





1241



鶴山先生大全文集

二







皇朝鶴山先生大全文集



重校鶴山先生大全文集一

宋本原闕



寄題雅州胥園

胥君頎然來錦囊背奚奴探囊檢詩卷一  
一卿大夫未識胥園面詩卷自畫圖掃石  
卧竹影長鍾斲芋區胥君於此時林泉傲  
金朱懶余本丘壑誤被塵纓縛每逢漫浪  
友慚愧紅塵脚會當尋茲盟酬此一大錯  
登萬象樓和計次陽韻

塵纓羈我身對景慵看語青山喚倚欄壯氣臨穎汝

曾雲卷油幕萬嶺眇煙縷酒闌一橫笛樓前葉自兩

贈章相士

我本三生人寄身軟紅土方困京華老誰識新豐旅  
稠中有章生道周忽會顧謂余有奇骨往往私告語  
許予兩無心解近適相遇聞余趨集英一聲登臚句  
自謂吾術神通言詭儔侶我無百金裝生無箕帚女  
泚毫賦此詩為生郵梁楚

和虞永康美功堂詩

我曾寄徑城南州果杏纂纂香泱泱雲開千仞雪  
山白月照萬古滄江流我時未得江山意但愛高明  
甲西州十年重來是邪非獨覺真意爛不收虞侯

着堂發幽悶豈但清與耳目謀川流衮衮來不斷雲  
物疊疊生無休既從靜壽識至樂復於嘆逝希前修

張景陽詩川上之嘆逝前修以自勗注修脩通用

遊人翁翁滿江頭隨所適

處心悠悠童子長佩褰江離女兒羅裙學石榴沒人揚  
波白魚躍舟子競渡蒼龍摻田翁野婦看兒戲詠歸  
山暝風作秋固亦有志感時節欲起湘纍問靈脩人人  
得處自深淺江山於爾無顯幽堂上主賓亦復爾各  
各會意風冷颺宇宙無窮本如此我亦皓然希天遊

次韻史少莊竹醉日移竹

豔豔酒粧闌姚魏冥冥花影逢石下醉生夢死何如  
竹三百五十九日醒

清如杜叟日卓午直似姜公詩作丁冰雪容顏儼相  
值霸陵醉尉也須醒

平生自許歲寒操醉日移來三十丁底事此君亦移  
轉連明風雨喚教醒

猩屐常為醉魂役驪珠適與睡時丁外物移人每如  
此人心可使不長醒

虞永康生日

良知誰不有靡究復靡屆寸心日月明萬里天地解  
握機洞消長觀物了成壞推行濟四海小試未為隘  
姓名既轉聞正恐世網挂相期又遠看力與支末派  
建立天地心透徹義利界即茲奉君壽行矣良自勸

安大使丙生日

往年天壓西南垂妖氛內訌胡塵飛藜孤陸凍土扼  
腕蜀山慘澹無光輝公以空卷驅乳虎瀟灑黃雲間  
平楚直將天理感人心徑斬賊頭報明主露布東馳  
人嘯呼京師觀者環儲胥天顏有喜近臣賀大官高  
爵來須臾中興以來幾變異宗祏之存如旒綴平江  
羽檄走凶雛采石鯁舡我狂瀾至今勛名滿華夷與  
公鼎立書旂舜台方退然不自居憂國之賢紛如絲  
天之生公為社稷南山不蹇石不泐願公蚤歸相天  
子赤烏晨朝容凡几

次韻叔衍兄賀生子

一壑一丘耕且爲不歆周網應非罷雲霓日植蒙  
密草蔓漫天山蔽虧生意正從芽蘗露善根不逐芥  
斤斯溶溶此理誰能解賸喜吾宗有白眉

錢章郎中夢以浙東倉歸湖州

武陵城中春事濃棗花欲開未開風常平使者謝朝  
列袖有英蕩吾將東披孔翠裘上馬去錦鞵長櫛三  
花驄先攜令名作鄉繡却把仁念爲倉紅世人機淺  
嗜欲深便從杖木窮高春朝余蒼梧夕縣圃何似緩  
轡搖冬瓊屨余除官本同署至自萬里驚燕鴻諸公  
祖筵亂平湖復我不往心忡忡君今姑爲粵人行明  
年歸朝儻及司

送宇文侍郎紹節知廬州

和戎八十年尺筮不施寸彼方元黃篋此但清紫檀  
懷榮保妻子是固人所賤或者倖邊功橫行請十萬  
問學不素講利欲所薰焮紅旗與黃紙勇怯無定論  
淮浦唇大江九重重分閫容臺少常伯忠孝在寢飯  
帝謂吾先正嘗遺蠹書恨汝今其聞孫未報君父怨  
九旗下青冥往爲忠義勸再拜亟祗命當仁不敢遜  
黃金絡馬頭茸藁懸正憲憲先聲壘塞垣虜師不足遁  
鄰里會方山踈余且有獻裴相昔守淮董師征洄鄆  
兵端寔熬放深入非始願况今相承平士氣方曼曼  
民力苦剝削債未折券如弱者禦盜高壘守關樞

破卷趙營田勝楚何縉堪但當強精神勿與角勇健  
功名不入眼兩關待其困却攜令名歸太平待公建

題蔡氏叢桂堂

誰銜鷲峯種託根蔡氏堂勿誇却林枝未說燕山芳  
君看湘江上千載留留光但當護根本歲晚舉幽香

送徐校書知處州

峩峩海中山十二樓五城僊人駟玉虬徑上凌紫清  
中道忽回薄珪符下玉京彤幃曜白日錦輿上頭行  
扶桑撐余轡緩步實作程世間行已地端亦勝蓬瀛  
誰乎低着身啞咤聞新鸞何如攜令名歸以見母兄  
用世無小大千里亦民氓少施五袴手竝錄屏風名

送王考功聞禮江東漕

分部設將漕黠旒寄聰明直須撼山嶽亡但採疇嬴  
而况江以東襟淮翼吳荆民力九十空所恃人爲城  
南宮輟望郎方輸餉連營燧煌鵠錦袍明自趨遐征  
陽春脚未到淑氣先流鶯向來愁中散僅試糴九京  
阿兄亦未究有書今在楹驅車踏前軌若木以爲程  
千里隔香案洗目觀澄清

送宋常丞德之知閩州

十年痼丘壑厭食青山薇不作時世粧短褐懷明璣  
出門歌一曲聽者鬼爲飛方騎將軍馬旋闖師氏闈  
清名滿雙宇宥畫禪樞機便面障俗塵不肯緇素衣

一朝典儀最雲步方我魏顧懷錦屏勝見謂天下稀  
形瞻下青冥驟馬黃金鞵假道溯以東袖有四明歸  
我來今二年幾度與客違名位偶君似臨分重依依  
風節耐歲晚富貴修晨晡相期久遠看努力踵前徽  
送黃考功 廣東運判分韻得漢字

涼風厲蕭屐秋事已一半同舍多望郎萍聚復雲散  
得士良苦艱引去何浩瀚日日送行人青衫浹流汗  
其間白石翁清廟之圭瓚器采儀周行詞章輩楚亂  
秘丘第一官脩途日未盱掉頭不肯住持節下霄漢  
草木識清名風塵入長筭安得此老宿爲世洗愁嘆  
同省並門居昔我綴華貫高標壁千仞臨分重嗟惋

相期紹前徽歲晚堪把玩

送曾尚右 從龍 知信州分韻得州字

長安十二門冠蓋如雲稠浮驂不停趨九衢滔滔流  
朝握扶桑轡暮行背板丘駕言往從之道左傷吾軀  
溫陵有佳士清姿秀琅球蚤疇倫魁堦盛之蓬瀛洲  
榮進付膜外寡欲自日休需章臣有母自詭以一州  
形檐下青冥錦輿居上頭小施活國手彫瘵會有瘳  
同省並門居昔我陪清遊一時四同年氣味骨肉侔  
而君堂堂去別袂挽不留比商起層巒蝨蟲催功裘  
問學常苦艱歲月忽忽逝古今同一歧古且真難儔  
願言事糖菘勿作刈穫謀會面豈不再爲君割雙眸

追送劉侍郎甲以寶制帥湖北

士從西南來落落僅八九半年北門道幾度醕別酒  
清朝志興復第一廣英毅米采木及捐引去遽盈斗  
矧今忠肅孫卓坐漢庭右清集儀班行高懷為宇宙  
居然輟邇聯壺懷荆州級鳳章陟西祀戎鉞炫春晝  
世間行已地隨寓皆不朽着意護本根虛懷閱忠厚  
上游屹長城歸來秉機有

送程左史驥以右撰知夔州分韻得重字

煙草暝江湖霜風嶺郊壟黎明北門道雜遝冠蓋擁  
程侯倦左城引去何太勇瀘江春信回書殿呈極捧  
帝念蔓子國側耕地荒其吏饑賦政煩室罄小人恐

申命亟移麾邀驅母上象形幃下霄漢環珮鏘壁珙  
山川洗悽戚草木企孤筵斧斤刈伐餘急與護把拱  
古人為已學非以博華寵事業貫千載富貴不旋踵  
願言樹風聲永作蜀山重

題謝耕道耘一犁春雨圖

床頭夜雨滴到明村南村北春水生老婦攜兒出門  
去老翁赤脚回牛耕一雙不借挂木杪半破夫須衝  
曉行耕罷洗泥枕犢鼻卧看人間蠶觸爭

送陳大著晦知蘄州分韻得輝字

陳侯海內秀蒲腹貯明璣十歲能屬文提筆登王畿  
上嘉魯論對亟授九品衣二十儕膺仕昱昱五采翬

三十牽殊科彛闈師氏闈四十復見徵雲步何我魏  
蓬萊三千丈徑上陵紫微顧懷蘄春勝駿馬黃金鞵  
我來今年幾度與客違於君再為寮臨分重依依  
風節耐歲晚富貴特晨晡前後繼二呂迄今借光輝  
元膺獻可  
俱嘗守蘄

題石興宗振讀書巖巖補乃魯直所書

巖頭橘樹經百番主少不生諸老亡只餘石間元祐  
脚谷虛盡日鳴當當

送趙編修大全知眉州分韻登字

炎煒爍穹昊火雲助其丞冠巾拂塵士廷戶喧昆蟲  
便面不停舉况欲填吾膺其間寂寞人隨念生涼冰

涼意方未透一夕三四興造物解人意如叫呼得應  
越鄉萬里回今名作先登固知栖栖者得喪初何曾  
賢者於本朝曉宿垂觚稜今日送樞掾明日辭禮丞  
采采不芻菽引去何如陵百憂結中腸坐挑短檠燈  
趙為編修官常欲避蘇師旦  
會師旦建節解都承即也

送范吏部子長知崇慶分韻得兮字

陽明迪性分陰濁生塵泥蛟龍薄九空高逝縹緲兮  
使可執紼而豢何異犬與雞長安有狹邪曲曲復低低  
主人笑延客雲棧登作梯客辭以未能所憂困多蹊  
乞麾下霄漢萬里騎青霓去留本常事渠不喪所齎  
秋風鏘珮環家在天之西歸來拜三祖歸路幸不迷

送蘇大著大璋知吉州分韻得章字

平生蘇太史清姿秀球琅異時玉堂對歷歷漢興亡  
直作根本慮不懷棄捐傷脩名毋遂島軼軌扶杖祭  
中道忽回薄飲馬以相羊昔為同年友今為同舍郎  
不肯三日別况各天一方我乞漢嘉縵君懷廬陵章  
我無百何闕君亦千里翔懷賢慨時事百憂結中腸  
願言保嘉猷不愧歐公鄉

重校鶴山先生大全文集一

重校鶴山先生大全文集二

古詩

送周架閣南以浙東提幹歸平江

共惟仁義心無賢愚聖狂紛紛萬弓箭獨以寸鐵當  
毫釐有不察居然失其鄉察則我固有而失豈真亡  
周君海內秀清姿競球琅牛刀十九年猶顧善而藏  
用世無內外意行獨安詳乃知旦晝物特為弱者彊  
許時京塵中解后兩匆忙前日同李郭近陪西它日盟  
范張嘗有虎豈謂客逢客乃或得相羊此道日寥落此  
意誰平章為人作生活悠悠老扶桑勉哉迪嘉猷歲  
晚垂令芳我亦從此去後會丘之陽

題沈氏書堂

吳興沈聲甫示我書堂圖枕松被脩竹帶江杉浮暑  
堂上新牙籤吞天祿石渠出受山水謁入與聖賢俱  
兒輩紛華悅子獨文字娛是心儻無數已足光韓奮  
吾聞學者事窮理以返初爲人祇禽犢鑽紙成蠹魚  
勉哉師友功千載沈氏書

次韻德先步月荅所問語

三更端正月皎亮直瑤京客問心之體無言對大清  
夜景湛虛明浩然無與京如今蘇氏婦但指聖人清  
霽月光溢浦吟風歸洛京迥無纖靄翳千古識真清

次德先韻

二氣同一根本體浩兮淵可見川上逝未發心下泉  
眞機亡停息果剥根長鮮定理亡將迎塵境地自偏  
形神既外發何者操其權芸芸萬感通存處元寂然  
一物一太極不聞大小年隨處無虧缺并居而用遷  
至人配天德知周物之先學者事何事省察於眇綿

次韻虞永康剛簡廬居生芝

河南富貴花人與譜姓氏惟茲三秀者不譜亦名世  
肖形草木均出處哲人似無然而致之朝菌何異此  
廣陵張氏廬歟應繫孝祀新豐李興莖脩柯嬾白紫  
意誠物皆誠人瑞草亦瑞蕭條菴水瀕五子服喪禮  
松壑俯夕悲竹隄前曉泪根基由內心樸實無羣砌

一朝望室左五色芝蕤蕤乃知宇宙間何處非實理  
誠神本同機應感不失儼充周徧範圍存養司諸已  
是心一息妄目接猶虛偽若日信機祥我亦爲祝史

韓叔冲約客泛舟滄江分韻得落字

落日放船好  
輕風生浪遲

炎燁避無所意行出東郭客以聲氣聚舟於樹泉泊  
江動雲意間林幽鳥聲樂山川孰流峙鳶魚自飛躍  
天分隨所適豁然無空闊有客猶謂余底處認真活

是日坐客有問余以鳶魚  
及程氏浩潑潑地等語

是心無間斷本體自呈豁一笑各

會心星河挂碧落

贈僧祖溥南游

吾少不學佛吾道聞之嘗虛靈一寸心無賢愚醒狂

人惟不自信渺渺歧上羊師今緊尋覓看是真有亡  
如行人貪程如父客念鄉一朝眼發明家山儼成行

寄李考功道傳

虛靈天地心疊疊萬化機幾形有動靜誠盡無顯微  
人惟不自信稷顏有相違居人憚寒暑遊子行不歸  
誰知炯然存彼物乃吾知高人真畏友聖賢吾師師

和李致政花石山詩

春風挽征衣淑景薦邊寶山中之奇觀變態紛發積  
或劃然以舒或蒙然以密或撫如脩眉或突如巨迹  
或驚鳥將搏或遊龍借出一日百奇旌隨景發詩癖  
江山昔豈無萬古閱閒寂而獨陳於今涸我風月筆

便如遺俗士高卧天一壁人知匪自獻不知亦奚恤  
次韻黃侍郎海棠花下怯黃昏七絕

狂風利劍戟火龍困屠宰莫起落紅愁生意浩雲海  
曾訪郊原春靜觀煙雨妝因物得良晤詠非昔如宗  
唐人春深題用韻工車斜逐逐語言去誰歟真識花  
臨川數落花康節愛花謝若作榮悴觀此特花之下  
穉綠茁兒拳老紅面百摺詩壇更伏波令我逢敵怯  
天運自消息詩人費平章何花春不紅何草冬不黃  
醉妃索南內玉奴斃東昏所以觀物心皇皇妙無門

題劍門

江有瞿唐限陸有雙劍躡如能罷當道如虎豹守閭

屹然東北隅奠此西南坤昔歲在巢闕白日塵沙昏  
人心不足倚恃此兩長垣舟車之出入筦鑰有司存  
銜鱸下魚復委轡充劍門藪通乃如此天險何足言  
況於多蹊隧不逮昔所聞烈烈張睢陽英英顏平原  
古之善守國人心以為藩

題大安軍揚寶謨

旌忠廟

范陽一夕鼙鼓鳴莽然河朔惟孤城姓名徹聞帝猶  
謂我乃不識顏真卿人才所用非所養自昔然矣奚  
獨神肘閒銀黃挂三組腰間犀玉圍萬釘養癰護疾  
皆此輩事危先及城郭臣求仁得仁性情正可死無  
死分義明豈徒一時折羣醜將與萬世開太平我嘗

辱交於神者寤寐精爽如平生過祠解石日端午昌  
歌之酒芬兮清要呼湘纍徑同醉母使二子稱獨醒  
出劔門後日履危徑戲集轡兵方言

籃輿陟險隘兀兀不停轍主人眩頭目僕夫困唇舌  
前疑樹梢拂後慮崖石擦方呼左畔蹀復叫右竿捺  
避礙牢挂肘衝泥輕下脚或荆棘堪挂或屋簷易捩  
或踏高直上或照下穩踏斯須有不審價輿在目睫  
深淵固可畏平地尤險絕作詩告僕夫審諸秋毫末  
識察既曉然力行謹無忽

過大安軍黑水阻漲態崇道觀以需漲落乃濟  
川遊不停息雨集有滿除卓哉鄒魯叟即茲驗功夫

寄題王才臣南山隱居六首

莊敬曰強齋

天以行故健火以宿故壯卓哉主一翁挈我洙泗上

格齋

水非石之鑽索非木之鋸一日復一日會有豁時處

南谷

我行半天下夢不到南谷健讀諸老詩劃見真面目

竹亭

西山抱孤潔淇水凝寒綠古來長安道多少閒草木

松庵

受命獨也正巋然十八公人獨匪正命胡然不如松

腴亭

膏雨炯晨沐和風照春睡誰與驗其機蔡軒一腴字

謝安大使丙見遺白玉環

寶刀切寒玉解作環無端連崑崙出楚詞長曲號虹貫日晶潤晴生煙

帝省岷嶓下冠珮人間聞西飭坤之靈效貢窮山淵

不以他物效以是期公還維公偕惠意地寶弗敢利

玉汝不汝瑕來墮玻江前因思取予義僑也辭韓宣

落落竟弗合而此徵求旃服之報安所我無青琅玕

圭復以為謝不踐如斯環

送二兄三兄赴廷對

吾家今兄弟異氏而同氣雅知義利分不作溫飽計

天子龍飛春了翁對軒陛柄臣方擅朝黨論如鼎沸

輒輒不能休一揮三千字植治貴和平用人戒偏陂

天子擢第一期以風有位尋實之三人仍詔恩禮視

後此者二年東瞻復聯第天子方諒闇有言不得試

歲行在協洽文翁陳讜議惟知守家學寧顧觸時忌

雖不第甲乙自謂儻無愧古人為已學何有於富貴

窮則獨善身仕將以行義兩兄西南彥九牧將倒指

平生剛直曾毋以科舉累荆逢主聽寬寧復懷顧畏

厥今果何事請略陳一二內無王文正誰與理家事

外無韓忠獻誰與飭戎備英威守羽林震雷誥冬瑞

天象已云然人事猶爾耳劈折為上言卓哉朝陽喙

却攜令名歸爲親一啓齒

次韻虞果州剛簡泛雪

黃雲靉靄風雪天欲之霸橋尋浪僊爐中楮拙繁寒  
客縱欲燒愁能得然撥交嚼句不忍吐竟日南望雙  
眸穿誰知詩來亦念我字與六出爭明燭美人美人  
呼不來昭華吹怨樓西偏况有山頭月爲友觸撥煙  
痼撩詩顛豈無詠絮謝家集亦有閉戶袁安眠未如  
山中之至樂白玉世界天相連朝看夜聽兩奇絕靴  
霜爐雪知誰賢寒裳急理剡溪棹明月已旁羗江還  
羗江白雲遠親舍北山夜雨鳴清川世間真樂不易  
道此以意會非言傳惜哉往日不可再江頭望君如

望年研斯筆凍不成報夢中書劄來翩翩

約眉之寓公飲郡圃梅下分韻得動字

窮陰厭殘年小雨雜寒凍野迥山色枯木落天宇空  
殷勤玉雪友歲歲管賓送孤標耿黃昏清豔橫蟬蛩  
從渠忌皎潔孱顏立孤登半年簿書塵閒殺果下鞞  
林端劃見之撩我潑春甕芳菲惱不徹喜與良友共  
花光留夕陰鳥語囀清哢羣芳去無蹤生意正空涌  
因懷武陵日歲上西湖冢絮絮萬玉妃蕭蕭守翁仲  
誰知落天涯惠然復我從暗香疎影白爲我作詩供  
心事炯如霜客遊恍成夢歲窮萬物息誰此役羣動  
會取春風心處處得日用

虞知府剛簡生日

皇天覆后土藐然吾一身職職萬同宇何所非吾仁  
人惟不自信私意橫紛綸君侯覽厥初渾渾川無津  
百家之精粹六藝之芳醇挹之未厭歎欲以警此民  
天機行日月大戒明君臣一源顯微貫萬象曉晦新  
焉知我為我聊以人治人胡然閱厥施膏澤猶其屯  
意將楸所養切磋及茲辰余也峩眉陰君兮滄江濱  
生生共茲意不隔江山春懷哉寧無車有繫未可巾

王總領鉛生日

古來五大不在邊國家長慮初解絃西南計臣授鉞  
鉞獨以一手擎半天三邊將士趨節制百城吏民服

威惠載宣寬詔問無恙扶藜性聽翁顏喜我圖爾土  
居未怡室家僅葺風雨欺波濤法法逐風靡山色澹  
澹憂陵夷機空絡緯那可織微穿虎豹疇能識秦門  
夕燧雖平安燕帳秋弓未休息翁顏且喜舊觀還尚  
恐世事愁無端祝公為民久遠慮憂顧期使西南寬  
美官厚祿等閒耳得君得時不易然君不見富公在  
青州多於中令北四年

重陽前一日約寓公飲于新開湖之西港有

歌詞者其亂曰會與州人飲公遺愛一江

醇酎遂以此分韻賦詩其得一字

吾州遠景樓為天下第一下有千尺湖長虹倚斜日

煙雲紛蔽虧草樹玄蒙密人既位通顯湖猶困遺逸  
一段雲錦機割截不成疋我來劃見之慨然爲拈出  
凹者豁以舒凸者疏而溢乃取半山句以榜湖陰室  
晨舟亂平渺日晏未云畢客喜以問余幻成子何術  
余非襲而致彼有是良質牛山木嘗羨茅徑人自室  
一笑各會心涼風送蕭瑟

次韻李參政壁湖上雜詠錄寄龍鶴墳廬

龍鶴在吾西昔年班荆處乃今五斗米繫之不得去  
冬夜那何晨斜河耿高樹  
木落天宇空野迥江水碧誰歟驅四運昨夕復今夕  
君看瀛海內壽考匪金石

聖死微言湮千載迷津涯浮駘徧八極日暮猶伊鴟  
大道如掌平人苦不識家

南山高崔嵬草樹蔚喬林雲橫日曠曠蟬鳴谷陰陰

戛然丹鳳唳爲我作好音時聞真景元直前奏事

西山有佳人慣踏山下路晨吟澤畔雲午睡巖前雨

莫使兒輩覺奪我林壑趣

仲尼趨聘召季路奚不擇分量固爾殊何傷於遍歷  
自揣或未能莫如只堅白

皇天平四時先春而後秋寒威奪仁氣慘慘紛百憂  
康世非我長自許以一丘

古人爲已學不以遇不遇學問思辨行止定靜安慮

次序固曉然人情苦傷遽

百年狐兔窟汗我黃河流槃槃帝王州僅與歐脫侔  
秋風壯夫淚禾黍莽平疇

江左憂佛狸荊州忌老瞞既虞薪下火又取泥中蟠  
不虞復不取志士寧無嘆

大亨惟同人小知僅私己皇皇萬井封耽耽百重陛  
爾尙寔余恫須知本同體

南園鼎盛時紛紛車馬跡須臾風景異樹老春寂歷  
盛衰那可常此理最明白

世有傀儡棚帳幙深遮圍衣冠巧裝飾觀者迷是非  
自謂真好手不知若爲歸

續和李參政壁湖上雜詠

陰陽互推移氣數有信屈澗松發貞姿庭梅暎生色  
雖無桃李容栢栢保終吉

氣力與運類十步九蹉跌聞有用我者掩耳忽不悅  
吾非嵇康徒道遠未能涉

虛靈一寸心攻者十七八炯然無常存精粗皆著察  
衛丘駭牝蕃魯圍牛羊茁

古之求仁者信道不斲獲顏生何所樂寧蹈饑寒厄  
能知四勿功六根本非賊

嚴君閉有家富之以其道幾年困外禦囊空甌復倒  
家人良自勉歲晏願相保

晉當胡運衰厲世先黜陟當時望塵友有識所憤疾  
云何祖士稚不似劉越石

人心不可欺好好而惡惡利欲怵迫之本心月以落  
所以古之人憂在晉其角

西郊訪梅約李携刑至李參政壁八客分韻

得爾字

荒煙散牛羊落日下城市天寒萬木脫歲晏羣動弭  
西郊有孤芳獨喚春事起幽光耿參月清豔明野水  
欲開未開時似語不語意或疑春較遲的皪尚霜藥  
誰知春風心渾在阿堵裏洞霄逍遙公九隴花月使  
領客居上頭蹇予亦婪尾頗懷去年遊歲月如許駛

悠悠竟何成慙被物化使索酒浮大觥歌商叟窮履  
真意浩無窮作詩聊復爾

梁運判綸生日

有歌不必歌吳趨有舞不用陳巴渝試聽天下紫雲  
曲着意自與人聞殊益州刺史梁大夫高冠長珮鳴  
清都秋原方集迎車雉春風欲送外平烏却思忠獻  
海棠處少日曾此扶親輿聞天乞英蕩叶氣爲先驅  
有酒皆卽清有書是臆人逢善且稱吉祝六引三  
調何虛邪勿言商聲苦太勁爲國綱紀正要渠厥今  
事執將何如鄰家盜起翁無襦乘風縱燎未渠已我  
薪未徙屋未塗天之生賢端有意平治况是公規摹

儘將吉德爲壽本扶桑自昔無榮枯

貽廬陵術士馮椿

月宿南斗韓愈生歲在己辰鄭元死二人言命是邪  
非我欲質疑於孟子

浣花即席

輕颺濯祥暑清與耳目謀江山新容態真意爛不收  
榜人以戒余將事東郊游川后且靜波馮夷亦安流  
聯鑣載羣妾駢進駕方舟月中亂平渺高春尚夷猶  
俯瞰大江橫仰看蒼雲浮滔滔去不息疊疊生無休  
俯仰三太息發我心悠悠未省昔之人曾有此樂不  
團團轉蘭榭突見龍棹頭闐然兩敵國萬矢迅不留  
清興浩無極洗醖更勸酬

再和浣花韻呈李彭州至李參政登

巖然一開口天也非人謀江山自舊皇風景仍新收  
一門令兄弟而我從之遊衛玠珠玉側李膺神僊舟  
至賓有良晤兄弟無相猶雨餘白日靜江遠青天浮  
相彼宇宙廣覺我心休休世傳浣溪女聲跡疑謬悠  
靈均亦已遠英烈今在不文懷唐拾遺泯然哀江頭  
陵谷幾變遷屈孟獨長留於此本何負而以德爲讎  
因時慨前哲坐久風颼颼良會惜難再作詩以相酬

重校鶴山先生大全文集二

重校鶴山先生大全文集三

古詩

送趙茶馬師芳東歸

又因送客朝京闕意行偶過山之陽檻開岷嶺羊夫  
雪簾捲峨眉千丈岡斷霞明空暮江白密陰藏雨秋  
原香客歸便可報明主滿川看看秔雲垂黃

李參政壁生日上首

湖淺霜鴈寒天高老龍蟄悠悠瀛海間時運迤邐  
黃鐘一龠回槁瘁亦敷澤茹茅趣連征壘立同一闕  
向來屯陰地有果終不食存之迺天意斯道古根極  
公論無消磨物情自喧寂喧寂安足計秋雲卷無跡

請公護景光春事勤種植明朝揆初度萬象好顏色  
至後一年老翁泉親酌石林壽林翁硬如石跌宕杯舞  
手醅顏照湖山麗藻濯花柳牛頭望暮曠隔闕幾煙  
岫江梅驛堪寄湖水觴可侑林丘一曲閒事業千載  
就屢亮有真實萬變無雜揉用之還帝師歸則赤松  
友蟠桃堪一嘗世味不同嗅得書方醉歌癡絕記前  
守

次韻郭方叔諸公借胡致堂賞梅至夜賦詩  
互陰作秋冬殺氣萬風雪土深候蟲閉山靜飛鳥絕  
誰知無邊春萬古長不滅或暢然以舒或凝然以結  
或聚為融和或散為騷屑又嘗以此觀諸人生意不

斷長如薰咸陽宮殿氣成霧勿作芒碭山澤雲神爵  
甘露來紛紛畫堂已入王政君人從動後觀變態誰  
於起處探細縕淺者若爲見夜氣長如神儻知起滅  
幻便省消息真如何天機之淺者但識人間桃李春

次韻劉左史光祖王亭觀梅

南山有佳境天作而地藏誰其搜抉之主者今歐陽  
時當冬候最鬣鬣雲無光爛爵暗香句浩歌黃竹草  
詩成物有主意遠天無旁衆竄從老守遙林拱孤芳  
氣味自爾殊凡卉不敢香芸芸天壤間何草冬不黃  
獨此冰雪質老氣磨蒼蒼便如身索人易知復難忘  
頗懷熙豐日羣姪偃冰霜皓然深衣老春風貯肝腸

扶開第一機還作桃李鄉終然和鼎實以侑千歲觴  
三嗅幾而作臨風倍輕狂

題潼川倅聽先得月樓

濃雲捲幕衡嚮北天風不搖萬響曾自暮行爬沙踏科  
曰顧菟茫茫長在腹本來全體自分明日用其間人  
莫識弄丸之暇畫若逢笑拍闌干我先得

和宇文漢州乞房樓記詩

房公曾中妙刀尺翦刻玻璃貯寒碧今侯看樓於其  
上竹色荷光得良覲詩來殷勤問故侯別日雖賒情  
轉密因思當年飛蓋遊鷗鷺不驚潛鯉出春濃雪絮  
人影亂秋老雲松半天屹蘇公二十四橋月尚愛西

湖風月夕江山好處餘戀嫺縱不即人人自即况今  
簷掠雲盪激楚高歌友朋集向來寒乞翻自嗤詩  
掃黃泥已無迹功名老我後加餽文字餘人先奪席  
欲搜萬象供列畫自有此湖難此筆終當爲君記斯  
遊摹寫蒼顏真六一

約許侍郎奕諸公酒半宋正仲

德至首都城

人生能得幾回別一別公來四千日我騎紫馬出行  
春公指黃扉入當夕誰知行止不關人解后天涯復  
同席方看紫陌爛紅英忽復濃陰顆青負實斷霞明  
空白日靜過雨穿林亂雲濕如夢如夢夢邪非曰歸  
曰歸歸未得棘南山峯東流斷關西雲霧北風急酒

逢故人一吸易語及新事百憂集試問吾歸將何歸  
梓州遂州有何擇况有青山老居士千騎東來闖然  
入更得可人高帝孫又忻未至臨邛客儘判三日作  
狂醒要話十年曾惱塞

登元祐閣次韻李左史 亭所和范滂荆襄詩

飄風吹面酒無力萬響搖搖不停息主賓巖然立分  
鼎抑抑威儀長不忒冰槃時薦櫻筍香烏然快酒著  
微墨夜深山靜天四垂悠然發我真聞識

臨川過 椿年 永叔植慈竹義木於庭迺榜其

堂曰慈義索余詩

冬筍與霜華孝可使之生老槐與枯荆義可使之榮

芸芸天壤閒何物非吾誠根心貫芽枿影響於形聲  
過君資孝友早識真重輕一時東南彥意氣何相傾  
虛几隱天籟深居觀物情慈竹吾父子義木吾弟兄  
夜簷月送影晝立煙輸晴與我一般意乃作堂堂名  
竹根頭職職下覆復上承木以同本故葉葉皆相親  
承覆匪強合相親誰使令茲有靡不有斧斤日丁丁  
願言厚封植歲晚長青青

潼川憲司拓圃築亭取康節語名以春得

古詩十二韻

皇天平四時不以秋先春任人奉天職不以德後刑  
次序固云然表裏元相因方春布陽燿萬物皆精神

當秋乃擘斂黃落山川負天機之淺者榮悴爲戚忻  
誰知天地心於此常肫肫既嘗驗諸理又以取諸身  
四德孰非元四端孰非仁刑威雖時用生意固長存  
四時長有春吾聞邵子云觸事識初心乃以名吾亭  
遂寧社稷壇與風雷雨師之壇混爲一區其  
間多悖禮者某偶攝郡事因爲隨事釐正  
始余求諸社窮巷窈而曲草陰荒蒙茸林影亂樸穢  
其中有屋廬其下主以木社稷風雨雷皆於此乎告  
趨閭不求陽如叢祠而局就簡不辨方如古墓而族  
引我拜平上高床被茵褥使我視所陳紙幣薦鄉燭  
爵不以坩真酒不以茅縮牲不以醜麗齋戶不以宿

於禮無所稽承訛已云孰從之則咈余不從亦違俗  
是心既不慊雖暫亦爲瀆屋不受天陽此豈容有屋  
先易其甚者餘事踵相屬其有不逮爲則以告新牧

次韻張太傅方見貽二首

門前車馬塵瀟瀟試問有誰開似我夜燈照出千古  
心曉窈窕掣破重玄鎖

別後幾如隔世人關中認得當年我清風應倂笑譚  
來明月不隨門戶鎖

再次韻

眇觀千載苦無人窺見一毫先有我雋敏旣爲文采  
誤高明又被玄虛鎖

我嘗妄意於古人子今用力苦先我安得從容長似  
今借子玉匙發關鎖

次韻張太博方得余所遺二程先生集辯二

程戲邵子語

文字未科斗圖書未龜龍粲然天地間此理觸處逢  
是謂象之祖而爲數之宗昊犧古神聖先得人所同  
文因而繇之且出亦並雄詎干我孔聖天命滋益恭  
渾然一理貫密察而從容辭變與象占四者固所崇  
推辭以知變象占在其中荒荒秦漢後學者昧所從  
不以災異會則以虛無通天開周程子易道乃復東  
動靜靜復動終始始而終上承千年縮下起百世風

同時有邵子講道于伊嵩天地之運化陰陽之無窮  
卽物驗消長先幾知吉凶邵子極道數獨立幾無戎

助世見

詩注二程自周孔爲時開夢夢其歸則一耳昧者結

仲仲學之將柰何矧余倍顛蒙要知羲皇心須踏周  
孔蹤

虞萬州剛簡生日

春風吹我游錦官客眸飽作滄江觀鶴飛自由白日  
靜山來不斷平野寬主人聞客倒屣迎案頭點易朱  
未乾速呼朋儔俾接席又遣兒女來拜前館中列鼎  
食客衆堂後鳴鍾聚拍千客來輒留張坐飲客醉復  
與開榻眠主人投閒六年久祿廩不繼胡能然問之

主人笑不言神情散朗心常閒向來曾於我乎貧至  
今尚質黃金盤又聞吾兄市橋尉假五十萬青銅錢  
橐中似爾空亦屢問外車馬紛闐其間猶有不知  
者誤謂公子非儒酸誰知出分本無幾况復奉賜隨  
分班知之不知吾何恤日用飲食於其閒西京相裔  
平通侯輕財重義無敢先三年田家未云以便懷富  
貴譏南山節侯有子亭少翁亦以明經世其傳爵之  
附庸有何薄徑欲忍愧徙夷蠻人於居約視所守文  
以久近察所安近而不渝儻可勉以而無怨良獨難  
不須遠求漢諸公姑復近攷今時賢雖六暫閒未嘗  
約一念長作膏火煎戚然不能以一日寧復如君之

六年泉無晝夜蓋有本潦有朝夕繫無源歸來試與  
友朋道言之孔易行維艱厥今人物眇然甚天道豈  
不於君還友朋請書爲君壽更祝養素勤加餐

董侍郎居誼生日

右皇一念根至在天地雖南北民吾民一二拍搗不可  
信彼動此應關諸身人言大戎相噬吞彼蚌鷓耳吾  
漁人大國信誓方重申時遣外台蘇窮鱗有狼其心  
不我恩囊書亦由驚嚴宸帝曰可矣予其征臣其  
奉詔之淮濱臣其董師留漢濱西南憂顧誰其分我  
有從橐之親臣時其動靜制主賓自闌以外惟將軍  
邊頭赤子方寢薪旆旌悠悠爲鳥馬馴將軍羽扇白綸

中且將沈靜弭放紛邇來世道波沄沄士爲欲縛迷  
天真開禧戎首終身焚未聞先事人有言大官一唱  
和者羣前而和之後云云厥今狂獺先信信事勢不  
與開禧倫方拯摯獸招飢蚊此何爲者祇自塵志士  
憤慨三軍蠶置之不治虎患存治之不勝桃蟲拚勝  
之不盡窮獸奔盡矣復與誰爲鄰譬諸白黑方交枰  
彼據腹脇吾邊唇養成持勢猶不均况彼攻奪吾邊  
巡局勢往往隨時新不有妙手誰彌綸人才生世厥  
有因帝賚天假崧降神一心可以位乾坤浮雲軒冕  
何足論祝公早還要路津并包衆智實多聞倡明大  
義清妖氛攜持令譽歸麒麟塞余不能康世屯語溪

有石高嶙峋儻能奔走東郭純

王總領 欽生日

皇天覆后土藐然中爲人職職萬同宇何所非吾仁  
一二指搖耳動且關頰啣置之非害事尚欲求其信  
矧今我赤子犬羊所噬吞養之將遺患迫之幾寡恩  
猶以赤子故未忍窮追奔蠢彼不我德羽書驚嚴宸  
帝曰斯可矣戎首將自焚一軍戍江介一軍留漢濱  
雨中徹桑土火後憂突薪又念蜀上游擢才餉吾軍  
蜀力如蝸涎僅足以濡身云胡走荆楚坐視空川秦  
天下本一家奚必爾我分獨憐去天遠緩急呼不聞  
公今從此升於國擬世臣家有憂民譜切磋及茲辰

直前明分義卻立思本根豈但無怨公此志長光新  
抑使蜀父兄壽公以岷岷

歌詩三十五韻送前知隆慶任侯

逢赴存

向來虎豹蹲天關咏人命無敢干任侯于時外小  
官有筆如刀割權茲權茲未夷骨先寒有開天誅亂  
旋刊寘我宗社于山安忽馬倚伏不可搏天心克復  
理好還是時增秩綸言放扶掖義烈增壯顏邇來十  
載國步艱思以吉士儀清班侯今以選賜之環進退  
語默人所矚侯以時考以事觀慶元眎今奚易難浮  
驂妄轍紛多端大車檻檻長自間中原胡塵暗河山  
行人載書墨未乾深仁大信而敢奸彼民元黃走蠻

簞我復翦刈如草菅惟 皇上帝憫人哀嗚呼言之  
鼻辛酸侯兮去去心體胖允矣直道非俗觀士所欠  
者非朝冠要令反覆爾以看前陳亟與據肺肝且使  
志士興長嘆謹言此士嘗譏韓始終激烈心如丹寘  
名大小任公間

領客君子軒木芙蓉盛開分韻得紅字

白焯司節青女戒霜草木落而變襄春秋  
忽其代序偶借勝引往踐蕭辰得之若驚  
寒英落於木末懷哉無數知松柏於歲寒  
客有誦韓公叢紅之章或遂舉白傳車斜  
之例觥籌多又詩令載嚴既訖齊誦寧無

序引

天公富萬有盈宇何充充秋風一搖落所得緣手空  
忽於臞悴中觀此寒露叢天然真富貴送盡人間窮  
雅傳與騷經凡卉亦見容胡為抱昭質一吟獨未蒙  
或訝未末寒或以水間紅至近前上處至明日方中  
碩人亦保保於此猶不逢莫我知矣夫佇立看秋風  
重九後二日後圃黃華盛開坐客有論近世  
菊品日繁未經前人賦詠惟明道嘗賦桃  
花菊外此無聞焉因相與第其品之稍顯  
者各賦一品某探題得挑花菊  
南陽有佳人被服長脩姘黃中粲有章秀外青無華

朝飲晉柴桑夕餐楚長沙惟與高人處恥作流俗夸  
元都有俗士品格固爾差賈之以潘沐強欲相塗搽  
南陽笑謝遣於此我何加遊女湯春風漁人眩紅霞  
爾比子於是豈欲相疵瑕鄉自用鄉法五豆亦愛吾家  
寄聲謝程子爲我刪此花

次韻薛祕書

按

見遺玉臂格謝書則堂扁額

人心之精微未動孰爲辨邪正介然形君子小人斷  
熙熙大雅歌洋洋關雎亂或現時安樂或識世屯難  
是惟言出口矧復書脫腕至著快人文至微極幽贊  
或者藏其心外飾徒璀璨誰知敬肆聞德之所聚散  
卓哉符溪老吾道資禦捍萬殊錯採中獨識一理貫

反躬事省察憤世興寤嘆揚堂闡斯則絕識陋秦漢  
於余或有所相謂畫可玩無物報瓊瑤作詩附筆諫

飛雪亭

自荆入蜀路險絕墨表聲中膽欲折萬州江頭舍舟  
楫又趣擔簦窮岷岷危磴連雲如積鐵亂石砥足十  
九跌僕夫流汗馬吐舌遙望盤龍柱天背懸瀑落巖  
噴霏屑中間有亭曰飛雪十里陰風寒入駭人言此  
地無六月火雲射地人不暘誰知利欲所熏灼以身  
試險車結轍伐性焚和火如烈試於此亭解羈紲呼  
取大斗酌甘潔一飲令君消內熱

張義立

方得古井以木爲杓命曰身泉而求

余詩

井居安其地井通會其時地維人所宅時乃天之爲  
方文羣動息水德潛清滲而隨有木升環頂沃華滋  
性情固下潤功用由上齊躡孰若無事中一降一騰  
之是理契天運遠觀正在茲張侯得木井妙製參皇  
犧其間相生意似非俗人知埋屨幾何年而獨與侯  
期書來屬并賦此理難下詞但於井之象發我深沈  
思且如初升五恭通人所資乃於巽入坎中含允承  
離通塞靡自遂睽遇若有司坎惟生於一孚實以爲  
基世途自亨否我德無成虧屬侯善疏濬毋俾纖塵  
緇不食吾不即食之吾不私小大隨所汲辯義而審

施客來問出處爲誦耳泉詩

重陽分韻得放字

層雲生夕霏寒雨濕青嶂平生愛九九誰謂不可仗  
盈盈黃鞠華采采鬱金堂點檢襟袖閉清芬固無恙  
門前秋陰陰席上春益盎惟餘憂時心忽忽未肯放

鶴山先生大全集卷之二

重校鶴山先生大全文集四

古詩

補和李季九喜去秋所寄凌霄觀詩

天高山圍坐露下月滿樓其間倚闌人古今入雙眸  
戒哉後時懊迨此先民憂匪緣冀求魚懼易或喪牛  
瞬息起萬夫朝暮食千頭金湯蔽庶地我豈爲一州  
餘力事層觀聲飛半空浮簾開六合晚杯納萬頃秋  
燈火背城市煙霖俯林州遐眺到冥鴻吟思追馴鷗  
寄聲鶴山我奪自珊瑚鈎因思去年夏狂魂畫羣遊  
婪酣飽溪壑磊砢豐渠酋諸公正錯愕如築于道謀  
微君且柔之尚保國邑不茂業變恬安嘖呻起惟謳

宜恢奇傑觀使此夷憚醜獨憂解成緩萬古同一流  
君毋觀上游觀上增嘆愁南有壺聚榛西有耕耨擾  
北有不庭方東有不寧侯君看此風景便謂無事休  
天心果何如年運不我留相期懋明德事業再顯幽  
汪漕使即梅圃作淳月亭追和古詩余亦補和  
一元播羣卉其氣清以馥詩人競稱許胡然於梅獨  
黃宮播雷鼗玉管動葭葭惟梅命於陽清豔照撲款  
正冬白堆牆初夏黃蓮屋純乾稟自高奚止香百斛  
又從晏陰後仍作來年復番君爲築亭揮弄月盈掬  
可敬不可玩醉語懼三瀆

約客十有二人汎舟東山分韻得大字

樂莫樂良朋同胞瀛海內矧復聚此州此樂無乃太  
晨策披曾巔夕篙汎晴瀨羲和鑿余衷爲我祛宿靄  
空碧隨清鏡帝青倚高蓋明曛照鷗心遐思絕鵬背  
信知好乾坤不出天地外人生兩儀間豁豁如許大  
萬古同一流誰能與心會寧黃頭郎爲我勉乘載  
直下浯武江合處看重兌

次韻西叔兄日食地震詩

正月太陽食六月陰翳箕利涉階成間桑去爲塗泥  
破山覆橋閣灌城壞河堤蜀地五六震積潦傷農畦  
梓州暑尤異我興看朝濟出逢七十翁履敝衣無絲  
前行爲余言老夫齒含齟閱事亦已多近聞伺垂睽

去年大官括隱方，又嗚子詎妻悲啼。大官深居那得聞，小吏鼻息干雲霓。今年得少休，北風苦寒虜番軍。襲江淮，將士驚噤，四方靡所寄容身。僅坤倪，災異又如此，寧保梁益西。太守聞此言，揚如履，征鼓擊，見廣文詩，口呿心沈迷。力能得為僅千里，滔滔四海皆餘黎。

約書院諸友過石洞津檢校隄役

大闊山頭頭江空，石齒齒清霜肅。宇宙物物露根柢，是開明年春萬彙。從此始人事，胡不然臨流方識水。斷岸百尺懸赤子，命如寄。示人亦真切，猶作素越脉。我憂不能釋，人謂我俗更。更安能俗人，亦人自俗爾。

神天及遊行，忠信在。參倚是間炯然存，精粗莫非事。况逢道義友，眷眷不余棄。至理互相發，俗氛安能宰。夜寒人欲歸，漁火颯清泚。照我方寸心，悠悠發長喟。

至後再見大雪楊尚書汝明約登天開圖畫閣分韻得平字

天公閔赤子，踵為營。杯羹寸白未，云厭賜以一尺平。微陽動黃宮，萬竇隨。孽萌蝗妖坐，速屏癘鬼亦就烹。東鄰文昌伯，志氣為我傾。攜朋樂時豐，舉酒澆空明。忻忻各有適，耿耿未忘情。不知宇宙內，肯爾同陰晴。前時聞帝輦，隨雪登山亭。真高一流盼，淮楚接神京。新耽正露立，舊成方良征。

送劉寺丞赴浙西提舉分韻得霄字  
縣以海漂蕩命劉措置

君王位三極五氣咸宣昭有一弗余若引咎自己招  
如何坻甸間鹽齋敢為妣母謂一指搖能使身無聊  
是用選膚使汝往鋤其驕將指得若人譴異不足銷  
水生乎天一陽實為根苗疏通乃循軌壅塞逾驚漂  
是理與政通更當省厥僮續成報天子鳴珮行青霄  
閣學素侍郎變以朝鯉恭龍兩圖見寄素和

朝鯉

物生宇宙間巨細統有宗鱗蟲三百餘厥長稱維龍  
滄霧彌六合神淵閔千重維時赤鯉公坐制織鱗窮

織鱗何足言什百來這蹤亦有橫江鱗望洋喪其雄  
于子圍圍然等辦殊卑崇一鱗掉頭去劫然若將終  
三公不易介誰謂惠不恭魚生陋漢儀商船嬰秦錄  
行五尺所安匪以驚愚庸又如秦漢後俗學士載同  
卓哉無極論上配禹孟功吾言聊自警毋謂惟少通

恭龍

乾坤包萬有納納百囊吾人似乎兩間利與害為禦  
一氣貫四時五風借十雨神龍以為畜擾御不子侮  
河有背負屬庭無滌流女義理之不明人情自疑沮  
範圍吾職分往往若違拒同室操戈鋌一身隔肺腑  
帝王豈龍意棄置那復取四靈非不靈有不得其所

生息之相吹古今鎮如許古人體天意萬物我其主  
蟲莫知於龍拊循如士伍今何故無人亦足驗曾府  
聲和鳳來儀心平響如組矧伊人中瑞治亂係嘿語  
欲入而閉門誰出不由口茲事關人心作詩附農圃

送袁都官甫知徽州

英英蓬省郎表表秋官屬勳佩行青霄揚且鬚雙綠  
掉頭不肯住去作新安收班班萊氏衣粲粲學李服  
歸來拜郎罷堂前問涼燠新從天上來猶帶書傳韻  
問汝得人誰袖有兩圖軸驪龍挾風雨閃電注兩目  
甲系獨何術能使同猥鷲三十六將鱗羣鯁蕩相逐  
亦有曳其輪中行而獨復君家名父子厥理探已熟

人生宇宙間亦在適所欲義精無非事慮澹不翹足  
願明消息幾願神以養福遲子寬我憂晝來寄陸續

送侯成甫歸蜀

鴈聲砧杵霜滿洲高桅大舶行清秋良安白日誤雙  
鬢我故國青山明兩眸前霄大江半歸壑來歲候蟲已  
坏宅無蹤天馬常往還不信人間有終屈

送楊尚書汝明知廬州

斷鴈懷歸蘆葉秋離鷺鳴感昭華五更呼兒拭殘  
淚淹速有命吾歸休殷頭三拜疏去意浩莫收內前  
宣辭賜顏色外間祖帳如雲稠往年長安道笑談取  
公侯白璧抵山車斷流黃金初屋花蒲樓萬金圍腰

笏頭帶廷紳噴噴懸兩眸吁嗟此何物白盡人間頭  
二十年重來見此勇退楊瀘州平生志氣未肯傾卷  
懷歸洗岷峨愁我往送之門感事增自憂忽忽別公  
上車去怕鬼見笑君奚留

送鄭侍郎 蜀四川制置分韻得蓋字

恭惟 皇上心納納天同大明命數禁游往撫蜀彫  
察蜀山在何許斜陽點鴉背家住扶桑東復東却望  
斜陽鐵山外金頭奴子扼熙秦銀州兵馬衝蘭會  
我六年望蓬萊征人穿空枕戈役使我千里致鐘石  
居人輟釜泣粗糲縣官無蓄租百姓無藏蓋上有蒼  
蒼之高天卒然叫呼不可待聞人萬戚休只以一身

佩我於公行無所贈筆言得感為良友良山本中虛  
允澤乃上漑獨於九四論心體而以明思為障礙願  
公書此象長於卧興對蜀道青天蜀平地君侯一心  
即難易思耕亭前先鄭碑更看他年後鄭記

大理曾少卿 煥欲見余近作錄數篇寄之以

詩為謝且去連日瘡瘍作讀余文而愈因

次其韻 九月二十六日

西風蕭蕭肅吟驢急意獨立空倚天壁俯看滄海環九  
州仰視青雲行白日夜歸蟋蟀鳴秋床觸虱萬蠶蠶  
風香而余生世竟何事孔翠影影蟬游裳冥心宴坐  
自探測美利幾微如白黑江西夫子最知心欲往從

之右士濕忽來詩句懸清風拱揖孔孟塵瑋羅便惠  
載酒巾車童一夜壯氣干星虹車童惟裳也

送任大卿逢知漢州張少卿午知眉州

冬卿懷紱行清秋又送兩卿歸作州寄聲三州之父  
老從今安用思故侯朝廷擇守重於昔親擢名卿界  
華職兩卿更是敷麻涼元把麾來復麾出雙騎紫馬  
去朝天羈金絡月凌虹煙送地似惜錦障泥急流欲  
渡不肯前好官豈為多榮祿兩卿之歸得吾欲昨夜  
流星聲撼屏光芒照人不成宿起看北斗行雲端驅  
策四運無停鞭旁穿上透多風寒九州霜露方漫漫  
人間分位各有制行得一分一分是兩卿去矣吾亦

歸多為天公憐赤子

十二月二十日領客登介亭分韻得梅字

晨鑣載賓從披霧陟崔嵬宇宙歛盈握江湖大容杯  
羸顏石丈人玉立山之隈山前大第宅馬頭張黃埃  
獨北抱昭質蕭然侶寒梅有客以問余豫為地為雷  
雷出地為奮雷何取於石哉人以動為境云云不知回  
而能介然存神氣斯有開相對得深省欲歸重徘徊  
四月二十日領客尋龍井前盟以雨陰晴未  
定不果往買舟下西湖步至玉泉觀魚分

韻得東字

前期戒賓從再候蘇長公夜炊馬亦秣宿載車既董

飛廉何方來橫出雲半空便將龍井泉換卻西湖風  
公非閱清境乃似開其逢煙柳夾大隄峯荷點清穹  
水涵亂雲吞霞濕殘照紅不是我輩人此味誰與同  
神閒等喧寂意適無西東觀魚滋有發歸騎春風中  
六月十四日後殿侍立新永康太守成嘉甫  
朝辭奏事詞氣懇惻上為嘉納嘗隨筆  
紀其事今鄉人祖帳分韻得西字遂書以

贈行

嚴精伐鼓趨晨雞龍媒戒仗嗜無嘶宰臣奏事左墀  
降史臣曳履東階跡永康太守臣申之上殿音吐干  
虹蜺曰臣前領大典傳試郡得請今當西韉人求通

反其使金人匿壯招吾攜勿言殘金繼前好將貳韉  
韉搖青齊時將有及事有間翫歲愒日憂噬臍皇  
帝瞿然曰是是伸頤頷首天聽低貼黃更請硃叛將  
褒恤死事不可稽陛下亦聞西事否昔號險阻今  
多蹊散關臯郊已平地白環黃牛猶潰隄分臺列閭  
越秦視體統渙散人情睽上云私意誤大事諄諄  
切切重提搆申之又言故臣丙昔嘗有德于坤倪  
上顧指臣曰安丙申之頓首如舍懷紛紛交情異生  
死獨此推奉祛羣迷臣時張拱立帝傍螭頭恨無  
千赫蹠為王留行力不足戴目處此羞梁鸚宮無小  
大莫非事勇為天子綏羣黎天如有意聽臣歸問天

重乞青坡璆

楊仲博約生日七月二十四日

金街隆隆曉鍾動倚馬禁門猶殘夢夢驚風雨搖江  
霏恍如秋浦哦詩時覺來絲絲理前緒猶記平滕蟹  
魚句十五年秋池州遇生日大風雨中是日江風吹嘗賦詩云平滕雨足蟹魚肥云是日江風吹  
倒山船頭白浪高黏天兩家兒女攬衣出草草杯盤  
作生日自從襖被趨帝京二年不見波濤散馬不知風  
色今安不復見朝朝侍明主銀鞍白馬上晴空鳴鞘  
戒仗天無風朝回為君慶初度才上心來到秋浦君  
今去作什邡侯歸興如山不可留只虞江上風色惡  
不似帝城鎮懽樂高樓大第插雲霓煙花眩眼明春

暉吾儕且可飲勿問尚書期為我歌毋庸歸

送杜兵侍孝嚴以華文待制知遂寧府

敝貂衝寒馬聲濕餘杭門外送歸客去年曾見送六朱

幡楊濬州任漢州張眉州今年又送四千石成永康更有三令

相後先是時有同時得將者拂采不為盤往去如織蒙濛

風雪人氣薄漠漠煙塵劍花蝕獨立長空倚天壁幾

度乞歸歸未得貳卿舞雩天與安正月隨俗相脂韋

聲名早落賞舜聰霞裾雲佩明春暉虞舜已死不復

返雲埋蒼梧天地悲萬物興歎各有期人生出處寧

無時攬裾結佩下霄漢苟得五子官無卑史臣昨侍

玉皇案愛民一語何孜孜公陞舜日上云卿到願公領蜀中切宜勉力愛民

此深長思民力竭矣誰其知更須同志共此事則公且去吾亦歸

送楊仲博約歸蜀

江頭送客雪初晴木葉脫盡山空明天高地迫着行  
客昂昂野鶴相似清曉空霜吸三兩聲扶木枝上陽  
鳥驚豈無枯蚓若殘粒寧肯僂首雞鴛爭伊人伊人  
此為客不是伊人招不得固有以隣不往來那能萬  
里相追逐瀘涪江上初戒舟荆江夏釐赤壁秋長江  
鏡滑無纖滓致君肝鬲爾許得竟成何事客先發羸  
得蒲頭播歲月丈夫身在復何憂莫作無相見期別

送黃宜州寔之郡

皇帝親政之初旬史臣了翁侍嚴宸宜州太守當就  
國袖出諫疏前開陳災荒僻在飛鷺外陛下一下  
同吾仁母云指搖非雪事往往四體為不信臣請選  
侯如中州更飭膚使時咨詢但令正身以率下災荒  
雖遠畿甸均皇帝顧謂汝可往布宣德意安吾民  
黃君下殿再拜謝盡以聖訓關史臣史臣拜手筆  
之冊以君所聞還贈君維今貪競習成俗公私已屈  
憂方新紀綱法令不敢知恃以立國維倉曼蒼曼茫  
茫不可問人情怙戚天笑顰願君體此深長思便以  
聖訓書諸紳心誠求之莫非事子苟不欲民無貧

送秦秘監季樞以顯謨知潼川

杜侯歸未幾又送秦侯歸錦衣赫相望里陌生光輝  
僅存二三士去意不可羈王張屢乞身余亦五請祠  
豈不明主戀去就各有宜昔歲語杜侯志得官無卑  
近忽省前誤熟空無寒煤君門天九重赤子命一絲  
詩書漫脹腹字字不適時俯瞰大江流仰看蒼雲移  
悠悠未有扁鵲處安所馳昊天豈民憎翻覆不可期  
願隨力所逮必以誠求之求之有弗得况忍相瘠肥  
臨分重回首吾匪懷吾私

送張正監

忠恕

以秘閣知贛州

西南間氣忠獻公一生心事天與通才高志廣無處  
着獨倚衡疑望關洛九州風露方漫漫卷回殘夢歸

餘干惟將一念遺孫子長與世間立人紀宣公端明  
今在無我生不識慚非夫寧知中歲遇行甫歷歷典  
刑猶父祖試從微處覘經綸中邊玉絮無纖塵大河  
滔滔恣羣飲逡巡獨惜障泥錦曉庭戒仗暗無聲掣  
纓振鬣時時鳴京師邸吏自相語張公立朝我良苦  
不知書疏何所言每一論奏人爭傳好名之人能遜  
國而於豆羹見詞色反覆耐看不可瑕此事無素能  
然邪我從同朝一千日見公造次皆是物寄聲爲賀  
贛州民 朝廷爲汝輟華臣却須更問蕭大傳中朝  
外郡誰當慮

約漕使泛舟東郊坐客十人分韻得江字

微雨爽晴昊，柔風渙清瀧。空山四坐寧，靜天八窓  
筮言得幽真，此意誰與雙。使冢我風調，賓友俱同腔。  
高談颯清鏡，勝韻眠空缸。東西南北人，偶此同一邦。  
坐數雲白晶，起看水淙淙。古今聚散地，浩浩如此江。  
餘霞照寶瑟，明夜欺銀缸。維舟未肯鼓，歸夢驚馬逢。

重校鶴山先生大全文集四

重校鶴山先生大全文集五

古詩

有吾摘傍梅，讀易之句以名吾亭，且爲詩以  
發之用韻。吳賦

三時收功還，湖易百川發。盈歸海席誰，將蒼龍挂秋  
漢。宇宙中間卷無迹，人情易感變中化。達者常觀消  
處息，向來未識梅花時。繞谿問計巡簷索，絕憐玉雪  
倚橫參。又愛青黃弄煙日，中年易裏逢梅生。便向根  
心見華實，候蟲奮地桃李妍。野火燒原葭艾茁，方從  
陽壯爭門出。直待陰窮排闥入，隨時作計何太癡。爭  
似此君藏用，客人官天地。命萬物二實五殊，根則一

圓形關闔渾不知卻把真誠作空寂亭前擬繪九老  
圖付與人間子雲識五老峯前詩梅招  
鶴合余有吾作九

次韻奉令江叔文鶴山書院落成詩

天運驅人人不覺古道違時時不學王相隨脛回荆  
山昭質依然未經琢因思胥靡逢殷宗精神動悟聲  
氣從礪舟霖雨到梅蘗變化氣質矣同功朝歌屠叟  
無與語一日投綸見明主大車檻檻行周道輪輻中  
規箱中矩人生天地同一原自誠為聖明為賢地殊  
世遠猶合節矧此同宇相周旋自從澆風散遺直世  
不乏材無匠石未能登車習射御人人自視却無恤  
出門浪戰觸與鬻羊生少得須更問不為夷用辱汝

水即似介甫連鍾山古人灑掃先庭戶豈問他人莫  
余顧只憂原頭欠淳濬才見天根便呈露人言陰濁  
勝陽清陽一陰二分三亭誰知陽德本無間根心枝  
葉長相親君臣大分雖有止終不能忘乃天理世無  
我知將自知不待靈風問諸史投沙屈賈占所歸九  
州博犬歸何之雖云忠憤語傷激律以洙泗猶津迷  
前村虎嘯晚風起跼齋酸嘶雁將子 君恩未報臣  
憂深暇把壺頭較鄉里江公勸我姑少安新詩肉好  
如璧環敢輸憂誠謝慶語仍戒牘史母抄傳

生朝李有吾貽詩次韻為謝

肩吾作詩慶五十於我顛躓授之繫因思五十義最

精造化機緘斯出入君看五位相生成前邊後摩如  
授揖至於五衍室有窮澤火趨新承并汲作聖工夫  
方自茲為人生活知非急昔人於此嘆始衰血氣雖  
衰義逾集蹇余不學晚知非方把斯心驗存蟄獨嗟  
道遠莫致之願與始終謀不及

次韻李肩吾讀易亭山茶梅

梅華鶴羽白茶華鶴頭紅拱揖鶴山翁如授宗人同  
山間兩賓主窮極造化功易終得未濟曹吳觀幽風  
或嗟生處遠不近扶木東誰知天然貴上在阿睹中  
喧寂四時耳寒至室斯穹冷眼看千古聲色沈英熊

再賦

淘金亂川綠發萋燒山紅自為天一隅奚翅地十同  
米賤衣弗費四民罕全功功夫到華卉未至澆淳風  
老梅委林莽洛珮遺丁東茶華新移根脫命斤斧中  
焉知貴然者秋毫皆蒼翠兮觀物弗之察吾欲問黃熊  
二氏  
疏禮

鶴山書院前為荷塘三即其小嶼築亭久矣

春後八日始榜曰夫容州

巖風吹衣落南土千批魁樣藉封虎綠山跨谷三里  
城架竹編茆百家聚天公似為羈人謀閉藏佳境城  
東陬介然用之便成圃下旣更得夫容州水間木末  
高下照名字既同形亦肖自從羸豕伏羣龍紅白相

輝轉明耀人憐風雪拘系之委棄衰草蟠寒澹誰知  
烟烟舍內美正於槁瘁生光輝大書三字爲吹送喚  
起渠陽百年夢都疑二華癡絕人身既隱矣名焉用

再韻 和者盈軸次韻謝之

文華滅質甚塵土物欲戕生劇豺虎三年挂舌坐林  
臯日月往來雲叢聚夫容自與詩腸謀雖無顏色媚  
涂陬夢隨春草撩客竟手杖雲錦分潮州平生耻作  
山雞照對此忘其爲不肖爲華破戒哦七字殆似五  
噫發梁耀李君不爲揜覆之喚取奚錦披封泥纒車  
引出萬絲緒衣被山谷春無輝山中華木送賓送人  
把榮枯同幻夢卧看夫容生未生滿目天機供日用

通道朱宰求時齋字李肩吾賦詩次韻

朱君問時齋爲誦義文書更終伏剝果乾始函坤輿  
坎离互藏宅遇復更踰問物理消處息人謀客中疏  
即茲貫千古何所非廣居是以無妄時不耕穫留畬  
撫州崇仁縣玉清觀道士黃石老工古篆以

李公文書來問字

聖學不嗣千餘年併與小學遺其傳其間明道寧乏  
賢謂書小伎 藝也揚子通天地人曰儒 姑舍旃十字九

并不可鐫楮生墨墨色有寬動以經史爲執言豈知  
魏晉幾變遷况今經字宗開元請觀未有韻書前訓  
纂字林形相俗形聲迭推義乃全韻書既作人趨便

未能書法窮根原但以聲韻求諸篇形存聲亡韻亦  
牽叔重少溫工磨研二徐鄭郭相後先書法賴此差  
繇延許李馬得無謬衍楚金分韻猶拘縲若更舍此  
徇俗妍不學操縵求安弦玉清道士來臨川用意周  
鼓兼泰山攜書過我渠活邊試令立柱與書播授闌  
畿礎宋桷椽已能諧世而取憐猶欲度外求方園眉  
山夫子思涌泉相與共講扶其偏道士稠載明當還  
更以一語申卷卷能於此處知其端事事物物誰非  
天九章八卦莫不然一毫人力無加焉

題尹商卿起宗自信齋

虛靈一寸心至遠而至近真能位天地信可爲堯舜

不以利欲重則爲習俗煇怙怙弄文墨若若誇綬印  
聖賢豈我輩位育非吾分亦有識其然責泉於九仞  
人言力不足我謂知不盡商卿聞吾言且信其不信

兄子高斯得赴廷對

九十九峯真顛天起家在前峰夕陽裏蠻徭虎豹斷行  
人小市寒城淨如水驪傳有客關然來搢衣視之吾兄  
子云從諸侯貢往補天子使來時吾父爲我言女之  
靖州問安否靖州苦好脩女從得師友世方白首聲  
利場父詔子承乃如此柳陰花影春風香喜極無言  
澹相對家學既爾殊天資亦云美自菴寂寥無可  
贈贈以菴中一箇自吾聞古之人仕學皆爲己上不

可欺其君下不忍虐其類此豈有為然凡以自靖耳  
我之行止命於天上下四方難豫擬且將自靖獻  
君無限功夫歸語爾

丁大監文伯得余近作讀之疾愈以詩見貽  
黔巫之南谿水茲山麓石惡不可治崇寧邊官務廣  
地山刊石斷林木斯其間掌許號為郡如以土偶安  
須眉中州人物猶此任纍臣全是夫何詞况於風氣  
少疵癘且幸習俗無澆漓飽餐賤米溫舊讀書味雋  
永忘其疲坐看歲龍度丑戌幾見秋月弦虛危都梁  
有吏雲端來持書火急如符移美人家在九芙蓉兩  
牆突兀那可窺聯緘紫牘夢邪非一年兩度劃見之

我詩但能愈君疾君解與世醫狂癡乖逢休戚信有  
命嘆上不使非知登

先立春一日電雷雪交作程叔運賦詩次韻

自從日馭行牽牛西十五日為春朝誰驅阿香送  
歷更遣玉女來姑瑤山海經玉女姑瑤山從來雷雪不兩立

有如皋禹於驩苗闖然方駕朝正月是反常性甘為  
媿陽孽於子達於廣執蟲欲動寒魚跳蒼龍又移舊  
歲次朱鳥亦向新年杓如何陽伏不能出陰氣所沴  
如沃焦相摩為電搏為震始初隱隱如迢遙劃然一  
聲到七著驚魂忽忽不可招須臾為電又為雪寒威  
扶勝尤宣驕春秋已事且云遠紹興狄難幾難調春秋

魯隱九年及近世紹興乃今此異已累歲節制四海  
三十年正月有此異引牛禍二字叔運欲易之為徒令志士歌且謔  
由衾禍引下泉采蒿洲姑勿易  
無人采寄觀風報

朝字韻詩諸文倡疇未已再次韻

風披重陰牛戴牛電雷電雪來終朝詩人隱憂寓疇  
倡清輝錯落欺琅玕似驚一日四變異須省二氣同  
根苗非陰能勝陽不競非物能嘗人先歎炎精未振  
剛受畜睢水書遁成皋與臯跳一從憤悱剛浸長幹  
握地軸旋天杓山中不知此何時祇睹此象心為隼  
鬪音九死何足恤頑雲爰蒼慘天關遙澤中但知賦鴻  
鴈天上無復歌祈招音醉頭新酒空似清牆振新聲

花如驕便思傾壘羌解網不妄為取琴徽調江張程  
子同一醉芳草為藉突為禍干戈滿地不忍見恐調  
老弱征商輅

送程叔運高不妄西歸

平生為人謀必以正學進必以真道行聞者或相靳  
子以正教我而子坐排擯跼為伴羈酸再見渠陽聞  
吾心固曉然其柰無以訓絕定二年夏臨軒策羣俊  
似聞甲乙選參鋪吐忠盡其間親與友斯得及叔運  
俱負康時略耻為諧俗韻後先來過我雙壁墮清峻  
從容扣所言何以承大問聽之不盡篇肱口復縮頸  
予方以是黜子乃以是奮斬者姑勿道而三益自信

人能位天地人可為堯舜氣合如塗塗道同如印  
勿憂人不知長恐已難盡春情撩客夢歸思不可忍  
各趨青油幕新發蒼梧觀正學予所知申言以為費

湖北提刑林寺丞岳赴召以書索詩

縱金伐鼓催行舟攔街祖帳雲如稠祥刑使者入奏  
事詔書趣發不可留居人爭門挽衣住行人十步九  
回顧公言為汝五年留便是數旬終一去居人向前  
為公語情知不是留公處一春風雨寒淒淒牛羊滿  
地鴻酸嘶乾坤爾爾無處着惟有此地恬不知桑麻  
雞犬桃谿曲身住主家數椽屋卧聽前江風雨聲自  
嗟身是如天福公今歸去作大官連雲廣厦千萬間

我時豈不被公賜天高卒卒難為攀吾儕小人腹不  
憚再公祝公今攬轡行原隰澤地相臨看不足明朝  
歸坐京師宅深院重門雍休戚願公莫為一身惜須  
念同胞頭戴戴春風前淚情轉側道旁過者聲嗒嗒  
我時困卧五紵東十日八九陰濛濛有來道前事耳  
目為惺惚更將百庸扶醉膽喜餘鼻息陵煙野欲輸  
一言不能措以公所聞還贈公

中秋無月分韻得狂字

東坡狂雲如佳  
月怒飛千里黑

金低碎老火月瑄行伸商是為陰之中正與日相望  
浮雲橫相掩人謂妬且狂彼雲初無心此月亦何傷  
水月本同體其中根於陽炯炯含內景隨時發輝光

天機之淺者爲人作閒忙

九日分韻得寒字

奇月必用重誰與開其端貴陽而賤陰於此亦可觀  
况於五陰後蒼龍挂高巽林疏山骨瘦宇靜天亦寬  
暮然遇九九黃菊紛紛闌且開五言城聊寄一夕權  
凜其義熙後其矣天寶開陶社千古忘知者良獨難  
送吳門葉元老歸浮光

予以驚馬抵戾放之蠻荆去國之日自邇臣百  
執事下至博士弟子負都人士祖帳餘抗門外  
連日不絕臨安尹白宰相致餽實具四大舟送  
至丹陽所過監司帥守將迎如他日子謝以疾而

不得免焉入靖靖守洪文惠公之孫倬遇之如  
使客而有加四方之賓友從將者日至行理之  
間無虛月也子皆固謝弗聽吳門葉元老識  
度聖澤魚出儕類嘗受學于陸宿微具有師法  
所交多天下賢士子因陳正父識之傾蓋如舊  
交一日匹馬數童來自浮光爲予數月留每旦  
聚友讀書且老從容出一詞率中要會談古今  
治亂人物優劣山川險易下至甲兵食穢米粟  
少多之數皆探原索委蓋有志之士也予每閱  
前史凡喪人遷客必徒守隸防夫極之於其所  
往至則數門掃軌屏去書謁人或追送而遠省

馬則史冊必書之為美談其在今日不惟不加  
之譴或返以是見稱於時賢見用於當世嗚呼  
非嘗從事於學志立而氣彊者不能辦此非  
祖宗仁厚之積餘世履撰愈著愈深亦無以致  
此元老將歸省其伯氏乃與其學之士酌酒餞  
行各為土言古詩一章予為序所以作云

龍標之南路窮絕我我羣峰倚天脊頂壓翠鳥跼  
翅很石橫空馬溝血葉君尺筆度崔嵬朱霞白鶴雲  
端來蠻邦自昔少此客問此胡為乎來哉曉窻共話  
羲文易千古聖賢心歷歷有時舊習未全忘間倚銀  
河弄詩筆銀河化作霜靈飛蒼龍移入天之西彭城

風雨撩客夢君起謂我吾其歸牛羊凍卧鴻酸嘶九  
州博夫君安之人生行止各有時願崇明德慰遠思

題東甌王友直尚友堂

士根生世晚不為三代民誰知伊傳至孔孟亦學古  
道嗚時人豈惟三代時堯舜萬古師猶云若稽古不  
知古為誰氣數有訛信義理無終窮雖居堯舜地常  
有一簣功嗟哉秦漢後去聖益以久縱有間代英僅  
為時儒首况於隨世就功名其若諸俗攫寵榮此於  
聖門直蛙蟻已謂斯世無與朋多知正多懼不知轉  
矜負亦云知矣恐未然須驗此心之權度有師舜文  
學周孔有擬管樂明申韓亦有是商鞅亦有趨異端

若言氣合即爲善是中更要分明看

贈造琴道士劉發雲劉亦解致雷

劉師攜琴來自言有術驅雷震聞之輒然笑人心未  
動誰爲鼓鬪陽居陰位陽行逆日循陽度日數贏必嘗  
疑聚乃奮擊手亦有降施誰外騰劉師攜琴來爲我鼓  
一再行若知雷震起處起便知音是人心生

洪士龍以洪舜俞考功所作竹洲精舍記覽問  
考功記竹洲所業在淇奧謂學與自脩此何取於竹  
士龍來論余試請言其目天地之大端於篁受命獨  
陰陽迭盈虛表裏更見伏厥象肖坎離厥理寓如復  
榆杏柝與檀四序所宜不此獨貫四時不受寒暑觸

示人人不察但識霜更綠誰能淇之上興寓三爻覆  
形氣玄發明顯微相貫屬嗟余粗知方倚杖看不足  
安得兩洪君試同煙露宿

張永平鑄作亭于渠河之右予請名以觀而

通守江君埶賦古詩二十有二韻且落之

用韻和答

渠河有水清且漣弄丸之暇遊其間風輕沙暖鷗忘  
機天開日烜魚逃釜山中不知歲月改春洲六度聽  
縣蠻聞人管游不到此岸容山色始有宛永平教學  
訟亦簡爲我卜築河之干臨流興懷嘆不足因思孔  
聖感逝川豈無日景自北起亦有天運從東旋風霆

流形草木貴星辰垂象郊原寬乾坤坎離更見伏春  
秋代謝相回環雖將此理醒羣瞶更向川上觀微瀾  
存神過化義塵塵行著有察心閒閒子思淵淵達天  
德子車混混窮原泉東流不休答吾民呂不韋以水  
泉東流日夜  
不休為天潺湲遠望悲屈原九歌荒忽兮遠望聖賢  
道之圖  
分量已差等後來永訣滋可嘆或嗟季教勸努力或  
謂時並耳萍盤頰看龍見水歸壑又識兩降雲蒸山  
陰陽翕闢本無間俗儒但作死生觀河南挺生二程  
子指示道體鑄冥頑人能於此發深省致知格物茲  
其端神祖聖伏二千載是心長與江瀾漫文通為揮  
五色筆大篇長句垂不刊春風沂泗儼在此居人莫

作渠陽看

次韻廬陵劉時見懷

史終伏剝果玄畜極逢天衢否泰友其類良止與動俱  
此道固曉然人情不同趨兩目自安障狂童為子都  
羈金絡明月騏驎旆疲鴛靜觀若有得知非降才殊  
但傷此道違獨行嘗冥徒解后知我者聊足以自娛

重校鶴山先生大全文集卷之五

重校鶴山先生大全文集六

古詩

贈曾鑿



大極分陰陽物物具兩儀乾坤互南北坎離迭東西  
四時有見伏晝夜有盈推夫人遷於物由之而不知  
六淫一為冷大命鑿所司或當暑而表或御冬而絛  
或學製而傷或助苗而萎其間號為儒亦以自營鑿  
江西有曾君解石荆江湄暇日與之語切瑳及幽微  
榜人趣行遇欲別不忍離乃書所素講為詩以贈之  
四川茶馬牛寶章大李修揚子墨池以書曰

索題詠

子雲一去千餘載惟有成都墨池在草元此地是邪  
非元文今在人誰知雖述劉歆遺說院鼠壤蛛窠蠹  
魚宅豈無學者王探求不識借聖說費肌自從馬邵  
造元域晁氏譜之張氏翼亦云察美人猶疑試為諸  
老申其辭易書廣大包天地辭變象占都一致世儒  
造入各不同有一于此均為功况於易元互相發不  
同之同真善學齊家中首先黃鍾雖以坤復為初終  
中首先黃鍾謂太元八十一首起中必準 紀曰天正  
中孚取復前七日中孚卦氣隨天左行 始牛宿又以日星分左右  
度宮分起從冬至易元均元意欲取臣承君 謂主日  
右行注 易書八而用七八用七謂六十四卦不  
見後 反對者八卦推五十六卦

元文九九而存一九九存一謂元有八十二卦一易分

六位中二五臣志上通君下取元以一五而為中君

道君尊良代終元文主日易主歲元主日謂日法取

歲為一元七元為一極此康節說十易書為經元

為緯謂元於易地承天就中邵子尤知元康節準易

之於天地也 或云元準卦氣圖是圖疑亦非聖書嘉

中復與咸遇乃是陰陽自然數元準卦氣圖自何

之分中孚至復亦六日七分陰九十二陽八十八陽九十一

或云元做太初歷黃鍾之分八十一豈知虛

三與虛九其數雖同其法否太初歷以律起歷八十一

三也元八之存一即虛九也分而律呂數用七十有八即虛

或云元象宗渾天渾天方象包於圓豈知兼用益天

說益以輿地承純乾以子雲覃思渾天而作太元渾天

圖在上百表其方圖承其下乃兼易雖無元不為闕

易更得元源有發且如河圖與洛書發揮道數無遺

餘後來支幹及聲律運氣參同至太一此數者雖與

同而與易並行人不譏千岐萬轍同一歸况元於易

同而與何獨於元苦譏議子雲之師曰林間鶴山之

下誰其從子雲之師曰林間鶴山為平之望自翻機杼作

生活律歷圖書不合若非馬邵是張倫後世幾

無揚子雲後世子雲今繼作而此元文終寂寞空餘繪

象與崇陰聊與文士供嘲吟繪象乃素參政重修祠

左列元學源流右國蜀珍  
池上多海棠不知季矣

### 和靖州判官陳子從山水圖十韻

子遷靖州判官陳子從珪為鄰嘗從容出示

靈竹僧不二山水圖其末有乃祖乃父十詩二

政前賢風裁灑舌長輒次韻以識高山景行

之仰云

外物羈繫人無退亦無遂愧彼自由身朝發夕子至

### 右彭蠡歸舟

山堂有何觀四時互興歇萬物隨天根東生復西滅

### 右山堂曠望

水月皆內景入秋陪清暉世無善觀者滄溟吾誰歸

右重湖汎月

士非耕釣者而從養望翁人生貴適志莘渭亦時中

右星灣晚酌

澤氣蒸前山起自霄寸微競看千丈瀑不悟片雲飛

右雨後觀瀑

松栢不受鄙此亦易知耳頃看竹有筠與松相表裏

右松徑晚步

莫作谿流看天命無窮已詩人若知得千古可坐致

右谿上賦詩

散髮避炎暑炎暑苦相尋云何對大賓不見汗沾襟

右林下避暑

松竹貫寒暑而梅時往來不知始復意隨人謾徨徊

右載酒尋梅

懷人得清晤此樂浩無期剡谿興盡返未喻伐木詩

右雪中訪友

過屈大夫清烈廟下 歸州歸鄉注

寧望星樓高揖那能顧鳴皋椒蘭自昭質不肯化艾蕭

人生同一初氣有善不善一為君子歸寧受流俗變

云何屈大夫屬意椒蘭芳蘭臭並椒丘蘭藉薦椒漿

騷中與歌首蘭必以椒對謂椒其不芳謂蘭不可佩

此言混凡什臭味自爾殊亡何歲時改二物亦變初

以蘭為可恃委美而從俗椒亦佞且楫干進而務入

椒蘭信芳廿三質自堅好胡為壞於廷晚節不可保  
意者王子蘭與夫大夫椒始亦稍自異父之竟蕭條  
迨其習成性甘心受燕穢不肯容一原寧以宗國斃  
禹皋於共鯀且封與解度同根復並生何嘗改其故  
原非不知人觀人亦多塗治朝中可上亂世賢亦愚  
况原同姓鄉義有不可去所望於兄弟謂其猶可據  
我本兄弟孰知胡越予以是觀離騷庶幾原心乎  
或去芷蕙等豈必皆名氏騷者詩之餘毋以詞害意  
仲尼作春秋定哀多微詞楚之雙小臣况亦有不知  
至左縣書懷呈榮州縣州二兄

歲行析木予去國鷓尾之季纔返室東西南北看此

身水陸二千三百日或云子非善謀自幸生斯世同  
斯人胡為嗷嗷苦自好輕辭富貴重絕貧五穀之濱  
有何好兀坐六季不知老葛藟待汝有何惡要把山  
林易旌壽子聞其言忘自語吾非斯人而誰與獨嗟  
行止各有時龍蟄鴻歸亦其所洋州技將鳩餘民仰  
空待救人不聞黎州邊丁戍內郡空養赤子防西門  
緜州近院劍龍路列雉驚狝渠不頤叙州平蠻亦良  
苦卒以憂勞棄子去見危授命理之常苟得死所庸  
何傷所憂入已兩無益燕蝠晨暝徒皇皇鶴山之顛  
一畝官我名吾亭曰願豐只祈天心速悔禍雨禾雨  
麥蘇民窮有糧餉士可衛民有民給耕可供軍民

相資護關塞又須監牧長得人規摹便立又安勢不  
作目前苟偷計弟兄歸與吳父師長對春風賦常棣

壽四川制置李侍郎

崧高二王德業數世仁一心千古脉一氣三才根  
人言通德門封培知幾春陵州不盡用雖國非全神  
厥美鍾在季魯殿嶽然存誰知中興主流澤被子孫  
是用遺一老為社稷萬人三朝典刑舊四子觀聽新  
自公鎮西南厥聲懌懌胡虜棄地逆歸疆餘民亦安  
便當度雙劍建大將旗鼓進賢黜不衷討貳詩失伍  
增危御驕卒募耕實邊園堂堂當道卧一勇銷百悔  
願公排羣議釋我分外慮上流屹長城却歸輔明主

送高才卿出守嘉定

次東坡送張嘉州韻

十年誰遣不寧侯厲奔鳥散十七州餘州蹙蹙能幾  
許史君今作載酒遊諸公飲雋已濡首眼前百事不  
挂口震風凌雨揭卻屋左蟹右杯猶在手史君千騎  
行清秋豈為杯酒饒涎流網繆隴之既云晚夢竟不  
到花繞樓堦逢聚散古來有而我此時持此酒河梁  
竚立不知還插頷青絲半成叟

次韻蘇咏父自耶見寄

敬共事明德懷如繫水持豈惟將弗勝抑恐濁且茲  
結髮齒名官幾被未俗移學晞遷商博文章恭莊駭為  
書不記癡龍詎不通雌霓恥於市朝捷甚於溝壑擠

大道砥如平，陪身蹈巖危。迨其閱世久，始識真聞知。  
天命賁草木，生意長萋萋。蕃鮮固六樂，搗瘁安足悲。  
陰陽孰信誦，日月誰邊推。乾坤奠中極，雷澤周四陲。  
夫人命於誠，地生而天施。五行根五事，位育誰司之。  
嫫浮溺于詞，躁輕亂于儀。山雞銜清影，祗以速顛躋。  
况彼膜外榮，皇皇復滋滋。滋滋，汲汲與我。同見孔叢子。此於我何  
加。寒暑自四時，蘇公西南秀。儀鴻漸于塗，而我坐遠  
屏。七年墮蠻夷，夢思岷山陽。枯筇伴危眉，人亦日零  
落。憔悴西南維，大篇忽開予。炯炯晨星垂，公來何勇  
邁。我往何摶遲，敢盼會溫潞。竊願商濂伊，歎嗟氣相  
求。范喧蜜成脾，梅邊立踟躕。正待陽春歸。

七夕南定樓飲同官

誰將明星貼天宇，州國宮垣象官府。更將四七隨天  
旋，常以昏中殿四序。迢迢河漢衡秋旻，前有蒼龍履  
玄武，牽牛正向西南來。左右兩旗北河鼓，鼓星之側  
爲天桴。鼓上三星爲織女，何季人號天女孫，便把牛  
郎擬夫婦。不知此是天關梁河漢之津，有常度晦明  
伏見，莫非教肯爲文人給嘲侮。班曹庾謝猶儻言世  
上兒曹，更堪數臨風三誦大東詩。須信詞章有今古。

中秋領客

秋中無常期，月望無常歷。況於月之房，歲十有二集。  
云胡三五夜，賞翫著今昔。我觀魏晉前，未有娛此夕。

宣由夕月禮承訛變淫液天行至東北陽外乃朝日  
日月向南來三務趨胡易則於陰之反順時報陰魄  
古人敬天運隨處察消息俗學踵謬迷更以擬比也  
也科級廣寒八萬九千樹樹五千尺丈人同一辭祗  
以驚俗客墨墨數百本月如有冤色為作反騷吟聊  
以補載籍

重陽領客以老杜舊日重陽日詩分韻凡  
賓主十八人得不字

天根歛秋陽雨畢水歸藪胡為爽常度白晝變良勳  
農功將納場餘秉尚棲畝昨朝告方社卷去日中節  
羲和鞭六龍為我作重九雲頑驅復來渾未識臧不

終然劃劃之金鏡發矇矓所忻陽德競吾豈為杯酒  
悠然見南山陶公意何厚况今祠太宮羣公正奔走

游北巖之疇昔處作二詩覺而僅記一聯

云鬢髮然然半已華猶將文字少率誇明

日為客誦之客十三人請以是為韻予分

鬢字

時事彫壯心詞華誤雙鬢昨夢忽微子覺來起孤憤  
五官予所司此夢乃予訓是心協著身龜是氣通禳輝  
形骸且不察理性抑難盡曉節度雲壑疏林露鷹隼  
暮歸踏江聲寒流燭蛟蜃揚思懷襄自氣勢如項陳  
天根忽晨見卷不盈瞬猶然玩文來吾果不知分

飲情習未忘依前賦分韻

上巳領客

流觴元已奚所因更指三日為良辰山陰坐上皆豪  
逸長安水邊多麗人臨流有許豪與麗元無一个能  
知津韓嬰何憑指溱洧東晉胡據誣周秦千季混混  
同一波競言此日天氣新其間號曰該洽者或言鳥  
降祠高辛春分以後弗無子往往援引詩生民說雖  
有稽義猶鑿况復除日經無文是說以為建辰  
之月除日在巳于營其  
意已為火季春火見疑乘寅寅居漢津人所畏故以  
元已祓水濱一季奇月必用重如五月五  
月七明之類三三欲解  
陽德屯較之前說已云近終媿俚俗疵吾醇要須摯

我沂泗上回瓢點瑟看長春

永嘉林君誼父得英石名其室曰研呼旦勿  
健也

齋子易以介室

柳侯謂楚南多石而少人至今英道間異石何嶙峋  
乃知五行氣中土為秀良降才既匪易自棄奚不仁  
伍文一日災乃以焚其身林君若知此是石當書紳

羅五星美奕棊于詩

少年不識棊但見剝剝琢琢更相圍有人指授予衝  
關奪角劫復持少年不識星但見膈膈膊膊還如棊  
亦有告予者縮羸伏見元有期七年五谿讀書暇時  
把二事相悅怡父之割然悟是聞有數人不知三百

六十一碁子此是乾策藏其奇萬有一千五百二十  
星若以三十六乘之乘之既盡除坤策恰與碁數無  
參差此理極精密歸後不復思羅生挾二長過我瀟  
之湄恍如著我五粒土欲與之語無間時此須靜觀  
乃有得而我家住西山西生揣我何時歸

七夕有賦

經星不動隨天旋枉被嘲謔千餘年無情文象豈此  
較獨嗟陋習輕相沿我嘗作詩舐排之尚有遺恨汗  
陳編人於萬物為至靈聰明照徹天地先其如形氣  
之所囿則以學問開蒙穎不知誰為乞巧者乃謂天  
孫執其權天孫能襄不能報世間之拙無加焉癡兒

駭女競針縷高樓大第迷管絃漢魏以來用一律無  
人出語扶其顛其間假拙濟巧者又欲託此文效言  
敢因良會追往事更發此義聲餘寬

黃成之量求唐舟詩

黃君求我古誠州求之不得還西遊所求易子胡不  
予渠家自弄莊生舟莊生傳之賈太傅便將死生同  
浮休我家舟子與渠別中孚之象剛包柔仰山俯澤  
乘茲木藏離伏坎含坤牛中間至唐若無物實理備  
具非空浮此在太玄首黃宮其於參同居中洲會通  
古今貫微顯上下天地同周流人將百季等浮漚我  
以千載為春秋我言似大而非夸人人皆有不自求

黃君不信謂予赫我自姬孔君莊周

中秋有賦

望舒與日元非敵震受陽光張成魄六十四象不言  
月三百五篇譏月出古道貴陽不貴陰賓禮下晝不  
卜夕世間賞翫起何年誤却千年醉狂客不知客有  
肺腸無更把荒誕作真實我因時序嘗作詩洗盡苑  
窟蟾宮迷今年新作東樓成胡為尚此窮攀躋人心  
和平民氣樂日月昭明天宇豁須知此事與政通不  
是詞人閒賞月

送游吏部赴召

天馬周流不停策青龍挂空山無色區中物物見根

祇歲季滔滔逐流水顛天求歸歸未獲客裏隨人送  
行客鏃金伐鼓行清秋江頭組練雲如稠道旁老人  
相與語主賓聞之愕相顧或云造闕如登僊一聲磬  
咳落九天豈知位高勢逾偏莫向紫宸庭下立非關  
敢竊解暗嘿紫宸地禁鳴不得或云敢言擬鳴鳳千  
古高名泰山重豈知說著心骨驚且名愈重國愈輕  
或言古人重晚節元忠子方費分說豈知晚節不難  
保却憂攘臂為笑三人所贈不皆然然則子也今  
何言元祐中季基紹聖建中靖國何嘗請若教此事  
欠講明直將兩是為端平是時臣言便休得臣不憂  
身却憂國臣願天意開平治明良長似改元時艾剛

未終戒覓陸姑陰雖微畏羸躅真教世道端且平寧  
使臣無赫赫名三人驟然笑子之所願吾不到吾言  
必於身子言望於人子意雖厚吾言真低頓謝老  
還以告景仁

奉謝資陽謝純天諸友是日三池周季章  
馮季修許德開資中支仲壬至謝介卿馮  
清叔廣漢常光父繼至遂寧楊儀斯期  
而未至

駕言南東畝捷出西北隅資陽有八士持謁要諸塗  
須更平泉道衣冠被林廬問我來何方過我不適子  
吾非煩囂避樂此簡便趨經行三紀後舊交半丘墟

翁仲艸沒膝兒孫霜滿須其間最所懷劉公真丈夫  
訖張二良友直氣橫九區堂堂舍我去顧景霜月孤  
寒梧陶令宅宿艸黃公壚我豈無肺腸拊事成嗟吁  
待到西州門不如早回車作詩謝諸友努力崇遠  
圖三家令子弟不諒予心乎

贈畫工王生

七年謫五谿二年守三瀘蠻煙瘴雨中不改舊時吾  
此來懶看鏡謂我衰且癯王生忽肖象氣貌何丰腴  
悔不賂王生圖作一病夫庶幾轉而上聽我歸林廬  
及此未衰日更讀幾年書

次韻趙制置制勝軒詩

何年誤認驅作熊力小知薄當我衝級夷藩拔牖戶  
破至今風色長如冬去年推轂以授公單車飛度雙  
劍峯風稜榮榮瞻氣雄臨淮軍壘足跡重夜起攬衣  
瞻井絡鑄鐵不知經幾錯搗來談笑上紋楸龜頭局  
中虎口着誰將輿柴誤戰塵天戈一揮如砥平濯征  
豨狃威巒荆捷書夜上白玉京考成軒戶適茲日一  
吐十年習佛鬱看詩又覺饒餘力要殄餘憂寬肝食  
書生喜極還太息天下憂端尚非一經營分表竟何  
益盍護本根保成勛是時朝廷出師復三京

端平三年春三月戊午朔

天子有詔俾臣了翁以僉書樞密院奏事既

上還山之請乃休沐日丁丑與賓佐謁濂溪  
先生祠賓主凡二十有二謂是不可無紀也  
遂以明道先生雲淡風輕之詩分韻而賦而  
詩有二言有四言同一韻者則二客賦之了  
翁得雲字

書生不知分奉詔行三軍赤手張空拳  
幸脫龍虎羣四海蓮華峯濂溪漲清芬  
擬求一勺水浣我三斗塵翠嶽明夕  
霏晴雲溼朝氛重上天子堂警政始有聞  
池蓮已濯濯庭草長忻忻重惟夫子書  
千古披昏聩善惡萌於幾陰陽互而分  
一落俗儒喙曉曉空翠巖流傳豈不廣  
世道滋放紛書生屢乞殿歸耕故雲

願言與同志相期任斯文

江東漕使尺約遊鍾山分韻得冷字

連年飲運業寤寐北山靈三過又不入風雨盲其程  
一朝決會期萬籟不敢聲斷潢捲夕潦列嶽浮帝青  
因思山中人昔日相熙寧不知學何事茶制為周經  
羣公咸其輔不悟宗康成相承至章蔡九州半瓊腥  
歷年百七十衆寐未全醒三經猶在校從祀猶在庭  
追惟禍之首千古一涕零大鈞宵難問山雲永泠泠

贈畫工王三錫傳神


氣質紛不齊四海無似人藉今貌相近氣有醇不醇  
善觀人品者儀觀與機神正邪眸子見善惡眉間分

且如若與虎二人自非倫而俱類孔子俗眼何昏昏  
古人有靈遇便知為良巨又能託眉目曉然得其真  
此須以神會難與淺者論平生歸為我試語司寇君  
此理充得去三代同此民

司寇君謂蔣良貴侍郎

題溫泉

廬山一滴水雕盡詩人腸道傍有溫泉忽然如遺忘  
淺夫既閣筆知士亦括囊或云匪難知水火互陰陽  
水根於天一至陽所潛藏所以共生榮亦有泉如湯  
吾嘗謂或言子語未精詳水實含內景火乃無寒光  
水將而不迎火迎而不將君看月受日又驗坤含章  
吾言與邵語或可補詩亡



重校鶴山先生大全文集卷六

